

中國方志叢書·華北地方·第六十四號

據 民國王文彬等修王寅山纂 影印
民國二十四年鉛本

山東省

續修廣饒縣志

(一)

成文出版社印行



10107707

中國方志叢書·華北地方·第六十四號

據
民國王文彬等修王寅山纂
民國二十四年鉛本
影印

山東省

續修廣饒縣志

(二)

成文出版社印行



10107708

中華民國五十七年三月壹一版

續修廣饒縣志

全二冊

定價：新台幣七二〇元正

發行人：黃 成 助

出版者：成 文 出版 社

臺北郵政信箱二二六〇五號
電話：九二二〇一〇號

印刷者：正 大 印 製 廠

三 重 市 長 生 街 二 號 之 一

內政部登記證內版臺業字第一一四七號

版權所有

續修廣饒縣志

民國廿四年
縣志局印
五三美術
印社
濟南
廣饒

序

余於客歲九月莅任廣饒視篆之日志局甫經籌備編纂人選雖已聘定尙未即職爰令協監修分途敦促越日總纂王君耕唐分纂王君薌洲高君韶九先後莅局晤談時僉以茲事體大謙讓未遑以添聘分纂爲請遂添聘延君炎生共襄厥事此後諸君黽勉將事一面派人採訪一面整理舊志其有疑難相與辨晰工甫及半定限已屆復經呈准展期數月迄九閱月而卷帙告成門類較舊志爲少而目則較舊志爲多目之中又分子目統分爲輿地志政教志人物志藝文志雜志五門其目二十有八彙成八冊裒然鉅製也書成爲之序曰考邑之有志率自有明始本邑有志蓋

自成化間厥後遞有修纂或動自邑宰或出諸士紳取材豐約體例繁簡雖不一致而前後相屬規模具備要不失爲地方文獻之淵藪固班班可考也民國成立條逾廿載世運推移人事變遷一邑事蹟之可紀可述足以昭示來茲者正不知凡幾徒以國家多難諸務未遑志失其續有由來矣迨二十二年冬

省政府主席韓公以地方文獻之不足徵也乃通令各縣續修縣志且臚舉其要如地方制度之遞嬗社會生活之變遷以及新舊文化農工商業交通物產山林川澤與夫農田水利風俗人物無不殷殷注意及之本縣遵令舉辦纂修諸君旣以是爲旨歸而抒詞陳義又無不以民本爲前提然則此次重修縣志其意義顧不

重哉夫廣饒爲負海之區奄有一萬一千五百餘方里之土地而可種植者不及百分之二十擁有三十餘萬之人口而受教育者不過十分之二三其有待於辟草萊以爲養興學校以爲教惠工通商以利其用而厚其生保衛治理以安其居而樂其業期副先總理所謂人盡其才地盡其利物盡其用貨暢其流與吾民族共趨於大同之極軌是則官民共有之企圖亦鄙人與修志諸君子所厚望也

廣饒縣縣長兼縣志督修河南鄆城潘萊峯序

中華民國二十四年五月 日

序

縣志猶國史也孟子曰諸侯之寶三土地人民政事爲有國者言之今縣境大者百里小者七十五猶國也國有史縣烏可無志吾縣舊志世稱三李民國有事續修任之者王子耕唐王子薌洲高子韶九延子炎生標綱據子輿氏而歸本於民當矣考諸經禹貢詳山川道路土壤物產禮載官制政令食貨詩採風俗咏人物爲志地志人志政之權輿馬班援爲史例後世經搜山海書繙重譯萃英摘華以求濟時縣亦遞嬗演進不無革益然例固不能外是志地何謀建設也志人何表功德也志政何晰利弊鑑得失也明夫建設所宜功德所尙利弊得失所叢有以發揚而匡救之修

志者之責也縣境無山東北濱海水煩鱗介不游漁鹽利蠅頭耳
乏天然勝概鍾毓其靈秀又無優裕生計從容夫問學期以志之
所書大不易易然地雖瘠貧民尙樸厚無兼併無游惰以縣之大
統計戶若干口若干耕者若干讀者若干商與工又若干使各鑒
於既往長其堅苦勞動之習力於田勤於學握算操奇於市制器
尙象於肆四民樂業日上蒸蒸迨斯時則指導牖啓之功顧不偉
歟王子高子延子者余友也志竣書以殿之明修志意之所在云
邑人景傳詩伯言甫序於濟南市立第三實驗小學

序

縣之有志所以著文物昭法守也邑有志舊矣民初一度修纂爲時無幾也二十有三年謀續修副省令也動議多日而難其人

繼乃以

不佞

承乏辭不獲已爰與薊洲韶九炎生諸友人勉任厥

事始相聚而謀曰吾邑志作者首推李愚谷蔣孝廉繼之俱以簡覈勝此後李織齋李晴江詞茂理長望塵莫及今將何所取裁乎亦唯步武前人因其所已有補其所未備而已及甫就筆諸多扞格或昔無而今有或今是而昨非錯綜比附殊難強同不得已迺因義起例一如蔣孝廉之不盡同愚谷李晴江之不一同織齋烈共和以民爲本故於舊志體例頗有損益其中繚戾掛漏自知不

免所堪斤斤自持者則無阿徇無成見虛心勤事與諸君子交勉期副邑人之委託後有糾責不敢辭矣抑因之有感焉國於天地必有與立縣爲國之單位一縣有一縣之特長集而合之即國粹也邑古爲齊地春秋世矜功利尙夸詐漢以後崇尚儒術班史所稱齊人好經術者也爾時歐陽兒寬青簡炳耀降至有明蔣文輝李愚谷孫景濂成仁有輩莫不以經術華國出爲名臣處爲名儒一掃功利夸詐之餘習厥後聞風興起者代不乏傑出之秀於以知習俗固不能囿於地限於時乃在乎移易之者一家興仁一國興讓一人貪戾一國作亂樞機之發捷於影響孔子言齊變至魯魯變至道言爲治者之不可不知變也今者正課建設力圖改變

但所謀者大抵屬乎物質所謂加富於庶也但不揣其本而齊其末恐將四維不張有粟不得而食矣本者何納民於軌物之中實現總理忠孝仁愛信義和平之實訓是也夫然則家肥國肥舊有之道德恢復抑且發揚光大之是則余所厚望也已二十四年夏五月耕唐王寅山序

續修廣饒縣志

卷三

編纂凡例

一 自國體變更民爲邦本一切設施悉以爲民縣志之修當本此意舊志體例勢不得不有所損益要以發展民生振導自治爲歸宿重在適今不重在考古

二 縣名自民國三年改稱民初修志歲事於紀元七年而紀載則斷自前清宣統仍爲帝國之志舊分門類勢難因襲茲本子與氏土地人民政事爲國三寶之旨統括爲輿地政教人物藝文四大類其有剩義則以雜記補充之通名曰志以歸簡易而符名實

三 各類之中系以條目中復分子目逐一分列以期清醒其

四 目中有各門互見者則此詳彼略或僅注見某門以省篇幅志乘通例前有序引後附論按今採陸隴其靈壽縣志吳汝綸深州風土記體裁序引論按有無不限定格倘篇中已無剩義儘可不作

五 制度典章與現在政教無關者不妨從簡其爲新文化於民生有直接關係者務求詳盡至如地方風土道德文章繫乎一邑盛衰詳加博採以備省志之約取焉

六 人物一門舊志所載例應存而不削但有確未詳盡或錯誤者應加修正新入者或得諸採訪或徵諸輿論務求審慎免貽冒濫一本傳不及生之義以人歿爲限惟婦女從一而終